

Ո Ր Ո Շ ՈՒ Մ N 831/1
/վարչական տույժ նշանակելու մասին/

«10» ապրիլի 2023թ.

ք. Երևան

Հայաստանի Հանրապետության ՊԵԿ Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, քննելով «Ադիս Գրուպ» ՍՊ ընկերության (ՀՎՀՀ՝ 08219274, հասցեն՝ ՀՀ, ք. Երևան, Երևան, Կոմիտասի պող., 19 շ.) տնօրեն Լեվան Գուլիկաշվիլիի (անձնագիր՝ 21AA67424) նկատմամբ հարուցված վարչական իրավախախտումների վերաբերյալ գործը,

Պ Ա Ր Զ Ե Ց Ի

«Ադիս Գրուպ» ՍՊ ընկերության կողմից թիվ 05100010/200323/0027862 ապրանքների հայտարարագրով ձևակերպվել են ապրանքներ, որոնք «Ներքին սպառման համար բացթողում» մաքսային ընթացակարգով բաց են թողնվել 20.03.2023 թվականին: Նշված ապրանքների համար առաջադրված մաքսային վճարների վճարումը կատարվել է սահմանված ժամկետից ուշ՝ 24.03.2023 թվականին:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության ՓՀ և ԳՀ բաժնի գլխավոր մաքսային տեսուչի կողմից 28.03.2023 թվականին «Ադիս Գրուպ» ՍՊ ընկերության տնօրեն Լեվան Գուլիկաշվիլիի նկատմամբ կազմվել է վարչական իրավախախտումների վերաբերյալ արձանագրություն՝ «Մաքսային կարգավորման մասին» ՀՀ օրենքի 318-րդ հոդվածի հատկանիշներով:

Վարչական իրավախախտումների վերաբերյալ գործի քննությունը նշանակվել է 11.04.2023 թվականին, ժամը՝ 11:30-ին, որի անցկացման վայրի և ժամանակի մասին ծանուցումն առաքվել է Լեվան Գուլիկաշվիլիին, վերջինս, սակայն, չի ներկայացել գործի քննությանը:

Վարչական իրավախախտումների վերաբերյալ ՀՀ օրենսգրքի 22-րդ հոդվածի համաձայն՝ վարչական տույժը համարվում է պատասխանատվության միջոց և կիրառվում է, նպատակ ունենալով վարչական իրավախախտում կատարած անձին դաստիարակել (...), ինչպես նաև կանխել ինչպես իր իսկ՝ իրավախախտողի, այնպես էլ ուրիշ անձանց կողմից նոր իրավախախտումների կատարումը:

«Մաքսային կարգավորման մասին» ՀՀ օրենքի 318-րդ հոդվածի համաձայն՝ ներմուծման մաքսատուրքերը, հարկերը, մաքսային վճարները, մաքսային մարմինների կողմից գանձվող այլ հարկերը, տուրքերը և վճարները սահմանված ժամկետներում չվճարելը՝ առաջացնում է տուգանք՝ **տասը հազար** դրամի չափով:

Այսպիսով, վարույթի նյութերով հիմնավորվում է, որ «Ադիս Գրուպ» ՍՊ ընկերության կողմից ՀՀ ներմուծված բեռը հայտարարագրվել է թիվ 05100010/200323/0027862 ապրանքների հայտարարագրով, որով առաջադրված մաքսային վճարների վճարումը սահմանված ժամկետում չեն կատարվել, ինչով պայմանավորված՝ ընկերության տնօրենի կողմից թույլ է տրվել ՀՀ մաքսային կարգավորման մասին օրենքի 318-րդ հոդվածով նախատեսված իրավախախտում:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 214-րդ և «Մաքսային կարգավորման մասին» ՀՀ օրենքի 318-րդ հոդվածներով՝

Ո Ր Ո Շ Ե Ց Ի


1. «Մաքսային կարգավորման մասին» ՀՀ օրենքի 318-րդ հոդվածով նախատեսված վարչական իրավախախտում կատարելու համար «Ադիս Գրուպ» ՍՊ ընկերության տնօրեն Լեվան Գուլիկաշվիլին ենթարկել վարչական պատասխանատվության՝ տուգանելով **10,000 ՀՀ դրամի** չափով:
2. Որոշման մասին օրենքով սահմանված կարգով իրազեկել «Ադիս Գրուպ» ՍՊ ընկերության տնօրեն Լեվան Գուլիկաշվիլին:

Սույն որոշումն ուժի մեջ է մտնում դրա ընդունման մասին իրազեկելուն հաջորդող օրը և «Վարչարարության հիմունքների և վարչական վարույթի մասին» ՀՀ օրենքի 10-րդ գլխի նորմերին համապատասխան կարող է երկամսյա ժամկետում բողոքարկվել վերադատության կարգով կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշումը կամավոր չկատարվելու դեպքում այն կկատարվի «Դատական ակտերի հարկադիր կատարման ծառայության» միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարն է **900005024055-ը (ՀՀ պետական բյուջե, կենտրոնական գանձապետարան, Երևանի մաքսային սպասարկման կենտրոն-մաքսավորուն, վարչություն, ԿՈԴ 27)**

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԿԵՆՏՐՈՆ-ՄԱՔՍԱՏՈՒՆ, ՎԱՐՉՈՒԹՅԱՆ
ՊԵՏԻ ՏԵՂԱԿԱԼ



ԱՂԱՍԻ ԱՂԱՅԱՆ